

1207.

1297 d. 7 Oct.

Alsnö.

Konung BIRGERS Bref till de 3 Folklandens innevånare med tillkännagifvande, att Ärke-Biskopen Nils Allessons arbetsfolk och legohjon äro befriade från alla utskylder.

A. 7.

BIRGERUS dei gracia sueorum gotorumque rex, Omnibus tiundiam, attundiam, & fædrundiam, inhabitantibus gratiam cum salute, volentes laboratores seu mercennarios in curijs reuerendi patris, domini nicholai archiepiscopi vpsalensis, commorantes ab exactionibus seu inposicionibus quibuslibet liberos esse pariter & exemptos, a quibus & intelligimus eos fuisse liberos temporibus retro actis, Inhibemus sub obtentu graciae nostre, ne quis ipsos huiusmodi faciendis ascribat, seu quouis alio modo per premissa grauet vel molestet, In horum igitur euidenciam pleniorum sigilli nostri munimine scriptum presens duximus roborandum, Datum alsnu. anno domini. M^o.CC^o.XC^o, VII. Non. octobris.

Sigillet bortfallet från den ur brefvet skurna remsan.

1208.

1297 d. 7 Oct.

Alsnö.

Konung BIRGERS Förläningsbref på en tomt i Stockholms förstad till Ärke-Biskopen Nils i Upsala med vilkor, att efter Ärke-Biskopens död, densamma ega med erläggande af derpå gjorda omkostnader, återtaga.

A. 7. a 1. 3o.

BIRGERUS dei gracia sueorum gotorumque rex Omnibus presentes litteras inspecturis, Salutem in domino sempiternam, Significamus per presentes, Quod nos fundum quemdam stocholmis iuxta finem pontis, versus Sytramalm viginti quatuor vlnarum in longitudine & .XVIII. vlnarum in latitudine, Reuerendo patri domino nicholao archiepiscopo vpsalensi conferimus & assignamus pro vsibus suis et ecclesie vpsalensis occupandum, Ita tamen quod si nobis vel nostris successoribus post dicessum seu mortem dicti patris .s. domini .N. vtile atque expediens visum fuerit eundem fundum nostris vsibus applicare, refusus expensis in dicto fundo factis secundum taxationem & arbitrium discretorum, eundem reuocandi ius nobis liberum sit atque saluum, In horum igitur euidenciam pleniorum sigilli nostri munimine scriptum presens duximus roborandum, Datum alsnu, anno domini. M . CC . XC^o. VII^o. Nonis octobris.

Sigillet bortfallet från den ur brefvet klippta remsan.